



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02-11-4-3934-5

Datum: 18-08-2025

Na osnovu člana 23. stav (3), tačka h) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16, 26/19 i 31/19 i 39/20), člana 70. stav (1) i (3) Zakona o javnim nabavkama („Službeni glasnik BiH”, broj 39/14, 59/22 i 50/24) i člana 34. stav (6) Pravilnika o javnim nabavkama Uprave policije Ministarstva unutrašnjih poslova Kantona Sarajevo („Službene novine Kantona Sarajevo”, broj 44/23), policijski komesar, d o n o s i:

O D L U K U

o izboru najpovoljnijeg ponuđača

„Nabavka opreme i materijala za održavanje sistema radio veze“

I

Na osnovu odluke, broj 02-11-4-3934, od 07.07.2025. godine i obavještenja o nabavci, broj 16475-1-1-70-3-107/25, od 08.07.2025. godine, proveden je otvoreni postupak „Nabavka opreme i materijala za održavanje sistema radio veze“.

II

Prihvata se preporuka Komisije za postupak nabavke opreme i materijala za održavanje sistema radio veze, imenovana rješenjem, broj 02/5-1-30-1-3418, od 10.06.2025. godine, iz zapisnika o pregledu i ocjeni ponuda, broj 02-11-4-3934, od 07.08.2025. godine, te se shodno rezultatima vrednovanja i rang listi prihvatljivih ponuda, dodjeljuje okvirni sporazum u trajanju od 36 mjeseci ponuđaču Mibo komunikacije d.o.o. Sarajevo. Ukupna vrijednost ponude iznosi: 114.610,00 KM bez PDV-a, odnosno 134.093,70 KM sa PDV-om.

III

Najpovoljniji ponuđač Mibo komunikacije d.o.o. Sarajevo, dužan je u roku od 7 dana od dana prijema obavještenja o rezultatima postupka dostaviti dokumentaciju u jednom primjerku (originale ili ovjerene kopije od strane nadležnog organa) prema tački 11. Uslovi za kvalifikaciju – lična sposobnost i tački 12. Ekonomsko-finansijska sposobnost, tenderske dokumentacije, broj 02-11-4-3934, od 08.07.2025. godine.

Adresa: Sarajevo, Zmaja od Bosne 9

Tel: + 387(0)33 286-740, Fax: + 387(0)33 655-917

Web: <http://mup.ks.gov.ba>, Email: sektor.matfin@mup.ks.gov.ba

IV

Ugovorni organ će nakon prijema uredne dokumentacije u skladu sa tačkom III, pozvati najpovoljnijeg ponuđača Mibo komunikacije d.o.o. Sarajevo, radi zaključivanja okvirnog sporazuma u trajanju od 36 mjeseci od dana obostranog potpisivanja, kojim će se regulisati međusobna prava i obaveze, imajući u vidu odredbe člana 98. stav (2), tačka a) Zakona.

V

U skladu sa okvirnim sporazumom Ugovorni organ i Dohavljač Mibo komunikacije d.o.o. Sarajevo, mogu u toku cijelog perioda trajanja okvirnog sporazuma, zaključivati ugovore o sukcesivnoj nabavci prema potrebama ugovornog organa u skladu sa dostavljenom ponudom ponuđača, s obzirom da ukupna vrijednost pojedinačno zaključenih ugovora ne može biti veća od vrijednosti zaključenog okvirnog sporazuma, uz pravo ugovornog organa da nije dužan nabaviti robu prema ugovoru zaključenom u skladu sa okvirnim sporazumom u punom iznosu na koji je zaključen ugovor.

VI

Ova Odluka stupa na snagu danom donošenja.

O b r a z l o ž e n j e

Na osnovu odluke, broj 02-11-4-3934, od 07.07.2025. godine i obavještenja o nabavci, broj 16475-1-1-70-3-107/25, od 08.07.2025. godine, proveden je otvoreni postupak „Nabavka opreme i materijala za održavanje sistema radio veze“. Procijenjena vrijednost nabavke iznosi 114.652,00 KM bez PDV-a.

Prema Zapisniku sa otvaranja ponuda od 29.07.2025. godine, za aktivno učešće u postupku dostavljena je ponuda od strane ponuđača Mibo komunikacije d.o.o. Sarajevo.

Komisija je izvršila pregled i ocjenu dostavljene ponude, te sačinila Zapisnik o pregledu i ocjeni ponuda, broj 02-11-4-3934, od 07.08.2025. godine, u kome je navela da je ponuda ponuđača Mibo komunikacije d.o.o. Sarajevo, prihvatljiva i da ispunjava zahtjeve iz tenderske dokumentacije u pogledu formalno-pravne ispravnosti ponuda i zahtijevanih tehničkih podataka.

S obzirom da je Tenderskom dokumentacijom i obavještenjem o nabavci bilo predviđeno provođenje postupka elektronske aukcije a da je u postupku zaprimljena jedna prihvatljiva ponuda nisu se stekli uslovi za provođenje postupka e-aukcije u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 80/23).

Shodno prethodno navedenom, u skladu sa utvrđenim kriterijumom najniža cijena Komisija je dala preporuku da se dodijeli okvirni sporazum ponuđaču Mibo komunikacije d.o.o. Sarajevo, u trajanju od 36 mjeseci.

Cijeneći naprijed navedeno riješeno je kao u dispozitivu.

Adresa: Sarajevo, Zmaja od Bosne 9

Tel: + 387(0)33 286-740, Fax: + 387(0)33 655-917

Web: <http://mup.ks.gov.ba>, Email: sektor.matfin@mup.ks.gov.ba

POUKA O PRAVNOM LIJEKU:

Protiv ove odluke dopuštena je žalba koja se podnosi u tri originalna primjerka putem preporučene poštanske pošiljke ili direktnom predajom Ugovornom organu, u roku od 10 (deset) dana od dana prijema obavještenja, a u skladu sa članom. 101. stav (1) tačka 4) i članom 105. stav (1) i (2) Zakona. Dokaz (originalna uplatnica ili drugi originalni dokaz ili ovjerena kopija dokaza od strane nadležnog organa) o plaćenju naknade za pokretanje žalbenog postupka u iznosu propisanom članom 103. Zakona na osnovu kojeg se može nesumnjivo utvrditi da je transakcija izvršena obavezno se dostavlja ugovornom organu u roku za izjavljivanje žalbe.

POLICIJSKI KOMESAR
Generalni inspektor policije

Fatmir Hajućević

DOSTAVITI:

1. Komisiji
2. Sektoru za materijalno-finansijske poslove
3. Ponuđaču x1
4. Odjeljenju za odnose s javnošću
radi objave na web stranici ugov. organa
5. a/a

Adresa: Sarajevo, Zmaja od Bosne 9

Tel: + 387(0)33 286-740, Fax: + 387(0)33 655-917

Web: <http://mup.ks.gov.ba>, Email: sektor.matfin@mup.ks.gov.ba